

# INUIT ATAQATIGIIT INATSIARTUNI



UPA2022/053 & 054

28. april 2022

Hans Aronsen

**Siunnersuut uunga: Mitit piniarneqartarnerisa sivitsorneqarnissaannik  
Naalakkersuisut peqquneqarnissaannik Inatsisartut  
aalajangiiffigisassaattut siunnersuut.**

(Inatsisartunut ilaasortaq Jens NapãtôK', Naleraq)

**Kitaani kangianilu piffissami aalajangersimasumi mitit manniinik  
katersisarnermik ammaassisoqarnissaannik Naalakkersuisut  
peqquneqarnissaat pillugu Inatsisartuni aalajangiiffigisassatut  
siunnersuut.**

(Inatsisartuni ilaasortaq Jens NapãtôK', Naleraq)

Mitit piniangaanerannik aammalu mitit manniinik piffissalikkamik  
mannissarniartarnissamik siunnersuuteqarninnut qujanaq.

Maani nunami nunarsuarmi allaniisulli uumasuuteqarluni  
narsaateqarsinnaanerput killilerujussuuvoq, tamannami pinngortitap ukioq  
kaajallallugu allanngorartuartup pissusaata pisinnaatinngimmagu. Naak  
immaqa neqissaqarniarnikkut allanillu nerisaqarniarnikkut nunani allanisuulli  
iluaqutigisinnaangaluarlutigu.

Taamaattumik uumasunik immami nunamilu piniarsinnaasatsinnik  
pisariaqartilluinnakkatsinnillu ullut tamaasa neqissaqarniarnikkut  
pissaqarnissarput pisariaqartittuaannarparput.

Pingaartumik inoqarfinni avinngarusimasuni ukioq kaajallallugu ataavartumik  
nioqqutissatigut pilersuiffiusinnaanngitsuni.

# INUIT ATAQATIGIIT INATSISARTUNI



Piniagaaffinni piffissaliussat:

Miternik piniartarnerput nerisaqarnerpullu imakkut sikusartumiittutinnut imaroqqaarneraniik sikunissaata tungaanut ullorpassuarni pisariaqartittuaannarsimangaluarparput.

Naalackersuisunit mitit ullormut pisassat killeqartinneqarnerata atorunnaarsinneqarnissaa isumaliutigineqartoq piniarfik 1, 2 aamma 4-mi. Taassumalu saniatigut Naalackersuisut isumaliutigaat piniarfissap piffissaa sumiiffinni miternik amerleriarfiusimasuni aammalu manniliornerinut akornusiinngitsumik killilimmik sivitsorneqarnissaanik isumaqarnerat Inuit Ataqatigiinnik tapersersornartipparput.

Tamannalu sumiiffinni piniartartut peqatigilluinnarpugit ullulersorneqarnissaa kissaatingaara.

Miternillu mannissarniarnermut qaamatip affaa imaluunniit ullut 15-nit pisinnaanissaa inersuutissuarput. Sumiiffinnilu tamani naleqqussarluni atuisut peqatingalugit ulluuliinerit pisariaqarput. Taamaalilluta mitit manniliornerini piffissami sivikitsuinnarmi immaqalu ajoqutaavallaanngitsumik mannissarniartoqarsinnaalissammat.

Ukiuni makkunani sinerissami qeqertarpassuit miternit manniliorfigineqartaleqqinnikuupput. Aammalu Qeqertaqarpoq miterpassuarnit annertuumik manniliorfiusartunik, Soorlu Arfersiorfimmi ajornanngitsuaqqamillu mannissarniarfigineqarsinnaasunik. Tamakku mianerilluinnarlugit malitassanik aaqqissuusisoqartariaqartoq isumaqarpunga.

Taamaalilluta pinngortitamik uumasuinillu atuinerput piorsarsimassutikkullu naleqartitatinnik illersuinerput naalackersuinikkut pitsaasumik sinaakkusiorlugu suleqatigiissutigigiissutigisinnaagipput aammalu nakkutilliisunit, atuisunillu tamanit peqataaffigineqartumik aqutsinikkut aaqqissuusinitigut siunissami

# INUIT ATAQATIGIIT INATSIARTUNI



nerisaralugit piniartakkatsinnik atuiarnissarput  
qulakkeeqqajuaannarsinnaagipput qularinngilara.

Taamatut oqaaseqarlunga siunnersuut taperserlugu Aalisarnermut  
Piniarnermut nunalerinermullu ataatsimititaliamut ingerlateqqinneqarnissaa  
innersuupparput. Qujanarlu siunnersuummut.